

Peningastefnan og stjórntæki hennar

Markmið og framkvæmd peningastefnunnar

Markmið stefnunnar í peningamálum er stöðugt verðlag. Hinn 27. mars 2001 var tekið upp formlegt verðbólgu markmið sem hér segir:¹

- Seðlabankinn stefnir að því að árleg verðbólga, reiknuð sem hækkan vítolu neysluverðs á 12 mánuðum, verði að jafnaði sem næst 2½%.
- Víki verðbólga meira en 1½ prósentu frá settu marki ber bankanum að gera ríkisstjórninni grein fyrir ástæðu fráviksins, hvernig bankinn hyggst bregðast við og hvenær hann telur að verðbólgu markmiðinu verði náð að nýju. Greinargerðina skal birta opinberlega.
- Seðlabankinn gerir verðbólgsuspár þar sem spáð er þrjú ár fram í tímann. Spárnar eru birtar í riti bankans *Peningamálum*. Þar kemur einnig fram mat bankans á helstu óvissuþáttum tengdum spánni. Jafnframt gerir bankinn grein fyrir mati sínu á stöðu og horfum í efnahagsmálum.

Peningastefnan miðar að því að halda verðlagi stöðugu og því verður henni ekki beitt til þess að ná öðrum efnahagslegum markmiðum, svo sem jöfnuði í viðskiptum við útlönd eða mikilli atvinnu, nema að því marki sem slíkt samrýmist verðbólgu markmiði bankans.

Helstu stjórntæki peningastefnunnar

Seðlabankinn framfylgir peningastefnunni einkum með því að stýra vöxtum á peningamarkaði, fyrst og fremst með ákvörðun nafnvaxta veðlana til fjármálfyrirtækja sem síðan hafa áhrif á aðra vexti. Vextir á peningamarkaði hafa einnig sterk áhrif á gjaldeyrisstrauma og þar með á gengi krónunnar og til lengdar innlenda eftirspurn. Viðskiptum við fjármálfyrirtæki má í grófum dráttum skipta í regluleg viðskipti annars vegar og önnur viðskipti hins vegar. Um viðskipti fjármálfyrirtækja við Seðlabankann gilda reglur nr. 553 frá 26. júní 2009.

Föst viðskiptaform

- Viðskiptareikningar: Á viðskiptareikningum geyma fjármálfyrirtæki ráðstöfunarfé sitt. Viðskiptareikningar eru uppgjörsreikningar í viðskiptum fjármálfyrirtækja og bindiskyldureikningar. Vextir viðskiptareikninga mynda gólf fyrir daglánavexti á millibankamarkaði með krónur. Viðskiptareikningar verða alltaf að vera með jákvæða stöðu í lok hvers viðskiptadags..
- Daglán: Lán veitt til næsta viðskiptadags. Hlutverk daglána er fyrst og fremst að tryggja fjármálfyrirtækjum aðgang að lausafé til að tryggja að staða viðskiptareiknings sé jákvæð í lok dags og til þess að uppfylla bindiskyldu. Daglán eru veitt gegn tryggingum í verðbréfum. Vextir daglána mynda þak einnar nætur vaxta á millibankamarkaði með krónur.

1. Sameiginleg yfirlýsing ríkisstjórnar Íslands og Seðlabanka Íslands. Birt m.a. á heimasiðu bankans.

Regluleg viðskipti

Regluleg viðskipti geta verið til allt að 7 daga. Þau eru veitt í þeim tilgangi að auka eða draga úr framboði lausafjár. Seðlabankinn ákveður í hvert sinn hversu mikið lausafé hann lánar fjármálfyrirtækjum eða dregur af markaði. Miðvikudagar eru að öllu jöfnu viðskiptadagar Seðlabankans. Seðlabankinn getur átt viðskipti aðra daga sé þess talin þörf. Vilji Seðlabankinn eiga viðskipti með veðlán og innstæðubréf býður hann fjármálfyrirtækjum að senda inn tilboð.

- **Lán gegn veði:** Um er að ræða lán til 7 daga eða skemur. Fjármálfyrirtæki þurfa að leggja fram tryggingar sem Seðlabankinn telur hæfar í viðskiptum.
- **Innstæðubréf:** Um er að ræða bréf til 7 daga eða skemur sem Seðlabankinn selur fjármálfyrirtækjum.

Seðlabankinn getur í útboðum ákveðið að halda vöxtum og fjárhæðum föstum eða láta fjármálfyrirtæki bjóða í annað hvort eða hvort tveggja. Seðlabankinn getur hafnað öllum tilboðum eða hluta þeirra.

Aðrir fjármálagerningar sem Seðlabankinn getur notað til að auka eða draga úr framboði lausafjár eru endurhverf verðbréfaviðskipti, gjaldmiðlaskiptasamningar og bundin innlán.

Önnur viðskipti

Seðlabankinn getur, með sérstakri ákvörðun, átt viðskipti við fjármálfyrirtæki til lengri tíma en viku með sömu fjármálagerninga og í reglulegum viðskiptum.

Bindiskylða

Bindiskylða er lögð á fjármálfyrirtæki sem ekki eru háð framlögum á fjárlögum í rekstri sínum. Hún miðast við bindigrunn sem er innstæður, útgefin skuldabréf og peningamarkaðsbréf. Bindihlutfall er 2% fyrir þann hluta bindigrunns sem bundinn er til tveggja ára eða skemur. Binditímabil er frá 21. degi hvers mánaðar til 20. dags næsta mánaðar og skal innstæða á bindireikningi ná tilskildu hlutfalli að meðaltali á binditímabilinu. Bindiskylða nær ekki til útibúa íslenskra fjármálfyrirtækja sem starfa utan Íslands.

Inngrip á gjaldeyrismarkaði

Inngripum á gjaldeyrismarkaði er einungis beitt, samkvæmt yfirlysingunni um verðbólgyrmarkmið frá 2001, telji Seðlabankinn það nauðsynlegt til þess að stuðla að verðbólgyrmarkmiði sínu eða telji hann að gengissveiflur geti teft stöðugleika fjármálakerfisins í tvísýnu.

Tímabundnar aðgerðir

Vegna sérstakra aðstæðna sem sköpuðust á fjármálamarkaði í október 2008 mun gengi krónunnar um sinn hafa meiri áhrif en áður á vaxta-ákvarðanir.

Yfirlit vaxta Seðlabankans 30. apríl 2010

Viðskiptaform	Vextir nú (%)	Síðast breytt	Breyting (pró- sentur)	Vextir fyrir ári (%)
Viðskiptareikningar	7,50	17. mars 2010	-0,50	12,50
Daglán	10,50	17. mars 2010	-0,50	19,50
Bindiskylda	7,50	17. mars 2010	-0,50	12,50
Lán gegn veði	9,00	17. mars 2010	-0,50	15,50
Innstæðubréf til 7 daga	-	7. maí 2009	-3,00	12,75

Vaxtaákvoranir Seðlabanka Íslands

Dagsetning Vaxtaákvörðunarfundir það sem af er ári 2010	Helstu vextir Seðlabanka, % ¹	
	Veðlánavextir	Vextir á viðskiptareikningum fjármálastofnana
5. maí	8,50 (-0,50)	7,00 (-0,50)
17. mars	9,00 (-0,50)	7,50 (-0,50)
27. janúar	9,50 (-0,50)	8,00 (-0,50)
10. desember 2009	10,00 (-1,00)	8,50 (-0,50)
5. nóvember 2009	11,00 (-1,00)	9,00 (-0,50)
24. september 2009	12,00 (0,00)	9,50 (0,00)
13. ágúst 2009	12,00 (0,00)	9,50 (0,00)
2. júlí 2009	12,00 (0,00)	9,50 (0,00)
4. júní 2009	12,00 (-1,00)	9,50 (0,00)
7. maí 2009	13,00 (-2,50)	9,50 (-3,00)
8. apríl 2009	15,50 (-1,50)	12,50 (-1,50)
19. mars 2009	17,00 (-1,00)	14,00 (-1,00)
29. janúar 2009	18,00 (0,00)	15,00 (0,00)
17. desember 2008	18,00 (0,00)	15,00 (-2,50)
6. nóvember 2008	18,00 (0,00)	17,50 (0,00)
28. október 2008	18,00 (6,00)	17,50 (6,00)
15. október 2008	12,00 (-3,50)	11,50 (-3,50)
11. september 2008	15,50 (0,00)	15,00 (0,00)
3. júlí 2008	15,50 (0,00)	15,00 (0,00)
22. maí 2008	15,50 (0,00)	15,00 (0,00)
10. apríl 2008	15,50 (0,50)	15,00 (0,50)
25. mars 2008	15,00 (1,25)	14,50 (1,25)
20. desember 2007	13,75 (0,00)	13,25 (0,00)
1. nóvember 2007	13,75 (0,45)	13,25 (0,50)
6. september 2007	13,30 (0,00)	12,75 (0,00)
5. júlí 2007	13,30 (0,00)	12,75 (0,00)

1. Breyting frá síðustu ákvörðun í sviga.

